



Inatsisartuni ilaasortaq Vivian Motzfeldt, Siumut

**Kiffartuussinissamut isumaqatigiissutit pillugit § 37 naapertorlugu
apeqqummut nr. 2017-092-imut akissuteqaat**

Brevdato: 06-03-2017

Sågs nr.
2017 - 4051
Dok. nr. 17600888

Asasara Vivian Motzfeldt.

Kiffartuussinissamut isumaqatigiissutit pillugit apeqqutinnut, § 37 naapertorlugu nassiussannut qujanaq. Matuma kinguliani apeqqutitit issuarneqarput, akissutitaannik malitseqartinneqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquut 1: Sullissinermik isumaqatigiissuteqarfiusunit qulimiguulimmik angallavissatut pilersaarutaasut qanoq aalaakkaatigippat?

Akissut: Aallarniutigalugu oqaatigisinnaavara, qaammatip pingasut qaangiunneri tamaasa kingusinnerpaamik qaammatip ataatsip qaangiunnerani qaammatinut pingasunut naatsorsukkanik nassiussisoqartassasoq, sullissisunut isumaqatigiissutigineqarmat. Taamaalilluni nalunaarusiornermik sulitigusaqartoqanngimmat, apeqqutip akissuteqarfineqarnissaanut angallassisunit paasissutissanik piniartoqassaaq. Akissuteqarnermut atugassat paasissutissat Naalakkersuisoqarfinnut annguppata, apeqqummut 1-imut akissuteqaat nassiunneqarumaarpoq.

Apeqquut 2: Timmisartuussinissamut isumaqatigiissutaasummi pilersaarutaasut naapertorlugit akilerneqareersunik taamaatiinnartoqartillugu aningaasanik Namminersornerusunut utertitsisoqarnikuua?

Akissut: Naamik. Tamatumunnga utertitsinissaq sioqqullugu sullissisut nalunaarusiortussaataanerit pequtaavoq, takuuk apeqqut 1-imut akissut.

Apeqquut 3: Qulimiguulimmut billetsip nalinga angalasumut utertinneqartarpa imaatigut angalasussanngoraangamik aamma/imaluunniit mittarfimmu akitsuutit eqqarsaatigalugit utertitsinneqartarpat pisisartumut imaatigut angalasussanngoraangamik?

Akissut: Naagga, angallat pilersaarutaasooq atorlugu angalanissaq pilersaarutaasooq naammassineqarsinnaatinnagu, angallammut allamut nuutsitsinissamik neqeroorteqartoqarsinnaasooq sullissisumut isumaqatigiissutigineqarpoq. Tamatumunnga atatillugu sullissisumut isumaqatigiissutigineqarpoq, angallatit akiisa assigiingissutigisinnaasaannik, taamatullu mittarfinnut akitsuutinik utertitsisoqartassanngitsooq.


Kisiannili tamanna ilaasussap nammineerluni qinigassaraa, ilaasussap angallammut allamut nuutsinneqarusunnerluni, taamaalillunilu angalanissap pilersaarutaasup naammassinissaanut periarfissaqarusunnerluni, imaluunniit ilaasussaq angallammi pilersaarutaasumi aallarfassamut inissaqartitsiviusumut tullermut nuunneqarusunnerluni nammineerluni aalajangertussaammagu.

Tamatuma saniatigut bilitsit tamarmik allanngortinneqarsinnaapput, taamaattumillu angalasussanut ataasiakkaanut piffissamut naleqquttumut nuussisoqarsinnaalluni.

Tamatuma saniatigut bilisit tamarmik allanngortinneqarsinnaapput, taamaattumillu angalasussanut ataasiakkaanut piffissamut naleqquttumut nuussisoqarsinnaalluni.

Neriuppunga matuma siuliani apeqquditit akisimassallugit.

Inussiarnersumik inuulluaqqusillunga



Múte B. Egede